

奩

史

序

倉史之作昉於凌義渠論者稱爲幽艷然止兩卷而已
已燿堊山人薈萃諸子百家之書而甄綜之廣爲二百
卷刪存一百卷分三十六門凡若干類首夫婦著造端也
終仙佛志皈依也大而典章制度小而一名一物微言懿
行必錄香麗瑰奇不遺至纖至悉浩如秩如以鄭樵王
應麟之學行張泌宇文氏之文而義渠不足言也是可傳
已山人工詩工古文工長短句當代名人論之詳矣予嘗
見其羣書經眼錄經史子集浩若煙海爲種一萬二千爲
卷二十萬山人之涉

獵可謂廣矣而擷二十萬卷之精華爲等身之事業
雜著十七部識小靡不卓然可觀奮史其一也
山人之纂述可謂勤矣然而予之所以愛山人重山
人者不徒以其涉獵之廣纂述之勤也愛之以其人
重之以其品也山人賦性高閒煙霞泉石之嗜根於
生初讀書懷古人之風不求聞知於世爲諸生十九
年未嘗一入棘闈親故輒賸促之至金陵賃一驢一
僕遍遊靈谷棲霞牛首獻花巖祖堂諸名利而還矮
屋中人咸笑之由是家益貧樵蘇不繼歌聲出金石
始隱於鄉旣而隱於京師旣而隱於下位雖所歷之

境不同而其泊乎寡營不爲利疚之意無不同天懷
之澹定然也山人隱君子也予欲訪隱君子於名山
乃不意於風塵宦海中得之是殆古之所稱仙吏如
梅福其人者耶蓋江左固多奇士自三茅君主籍王
晨其流風遺韻至今猶未盡泯也予是以亟亟焉羅
而致之幕下蒲團與共香火與共一時同人咸以奄
史爲風雅之宗請予爲序而校而刊之或云山人有
內記室博雅知書是編抄撮之功半出其手斯又粉
印青編之餘事也

嘉慶二年余月長白伊江阿書於珍珠泉上草堂

舊史目錄

卷一 夫婦門一 夫婦

卷二 夫婦門二 夫

卷三 夫婦門三 妻

卷四 夫婦門四 喪妻 寡婦 附錄

卷五 婚姻門一 婚姻

卷六 婚姻門二 嫁娶

卷七 婚姻門三 媒擇緣

卷八 婚姻門四 婚禮 附錄

卷九 統系門一 后 太后 女主

卷十 統系門二 妃

卷十一 統系門三 內職 宮人

卷十二 統系門四 公主 駙馬 太子妃

王妃

卷十三 統系門五 外命婦 女冒男官 女

土官

卷十四 眷屬門一 母 保傅乳母 祖母諸

母外祖母

卷十五 眷屬門二 女 姪女 孫女 姪孫女 外

孫女 女婿

卷十六 眷屬門三 姊妹姑

卷十七 眷屬門四 姑婦

卷十八 眷屬門五 娣姒姑嫂叔嫂弟婦 親

戚

卷十九 妾婢門一 妾

卷二十 妾婢門二 婢

卷二十一 娼妓門一 妓上

卷二十二 娼妓門二 妓下

卷二十三 娼妓門三 妓居 妓家稱謂 娼

家麗術

卷二十四 娼妓門四 落籍 從良 出家

卷二十五 肢體門一體

卷二十六 肢體門二 頭面屬

卷二十七 肢體門三 四肢上

卷二十八 肢體門四 四肢中

卷二十九 肢體門五 四肢下

卷三十 肢體門六 肌骨心魂類

卷三十一 肢體門七 汗淚類 附錄

卷三十二 容貌門一 容色

卷三十三 容貌門二 態度

卷三十四 容貌門三 舉止

卷三十五 容貌門四 肖形

卷三十六 性情門一 性情

卷三十七 性情門二 德

卷三十八 性情門三 凶德 不妬

卷三十九 性情門四 七情

卷四十 蠶織門 女工 蠶織

卷四十一 針線門 針線 教刺繡之變

卷四十二 井臼門 操作

卷四十三 文墨門一 學術 書籍 著作

卷四十四 文墨門二 詩

卷四十五 文墨門三 文

卷四十六 文墨門四 書法 鐫刻

卷四十七 文墨門五 畫

卷四十八 文墨門六 紙墨筆硯 印

卷四十九 幹畧門一 勇武_上

卷五十 幹畧門二 勇武_下

卷五十一 幹畧門三 武具

卷五十二 技藝門 技藝

卷五十三 音樂門一 音律

卷五十四 音樂門二 樂器

卷五十五 音樂門三 歌舞

卷五十六 姓名門 姓名

卷五十七 事爲門一 事爲

卷五十八 事爲門二 歲節

卷五十九 事爲門三 風懷

卷六十 誕育門 孕 孕之異 產 雙生

產之異 產儀

卷六十一 術業門 三姑六婆

卷六十二 衣裳門 一 衣上

卷六十三 衣裳門二 衣下

卷六十四 衣裳門三 下服

卷六十五 冠帶門一 冠

卷六十六 冠帶門二 帶

卷六十七 襪履門 襪履

卷六十八 釵釧門一 首飾 插花

卷六十九 釵釧門二 耳環

卷七十 釵釧門三 臂環 指環

卷七十一 梳粧門一 梳 梳具

卷七十二 梳粧門二 沐 沐具

卷七十三 梳粧門三 粧 粧具

卷七十四 脂粉門 脂粉

卷七十五 宮室門一 宮室

卷七十六 宮室門二 居處 塚墓

卷七十七 牀第門 牀帳 被褥 席枕

卷七十八 飲食門一 飲食

卷七十九 飲食門二 飲

卷八十 飲食門三 食

卷八十一 飲食門四 餽 食之異

卷八十二 飲食門五 菜 果 煙

卷八十三 飲食門六 藥

卷八十四 器用門一 器上

卷八十五 器用門二 器下

卷八十六 器用門三 舟車

卷八十七 綺羅門 綺羅

卷八十八 珠寶門一 珠玉

卷八十九 珠寶門二 金銀 錢財

卷九十 蘭麝門一 香

卷九十一 蘭麝門二 香器

卷九十二 花木門一 花

卷九十三 花木門二 木竹草

卷九十四 禽蟲門一 鳥

卷九十五 禽蟲門二 獸

卷九十六 禽蟲門三 蟲

卷九十七 仙佛門一 仙 仙經 乩仙

卷九十八 仙佛門二 神

卷九十九 仙佛門三 鬼 妖

卷一百 仙佛門四 信佛 佛經 觀音

拾遺一卷

藝文凡例

衛正叔作禮記集說云他人著書惟恐不出於己
予則惟恐不出於人是編竊取正叔之義

撰述體例莫不善於六帖惟太平御覽玉海庶爲
可法是編模範二書而通變之

是編凡若干類每類中又暗分細類先以類從次
敘時代其初細類悉標細目今照日下舊聞之
例刪去意在約束也

是編於諸書有可引者少無可引者多故所引之
書三千種所檢之書不下萬種

羣書若正史通史別史雜史僞史經義類書說部
書目書畫物譜詩話題跋詩詞文集選錄二氏
九流雜著廣爲蒐羅用資博覽偶遇牴牾隨事
考訂

援引羣書但嚴決擇不分界限經集少而子史多
勢所必然卽僞書如天祿閣外史俗書如堅瓠
集之類原不足錄間有一典半實從未見於他
書者亦摘取之

稗官野記有其事不確而慧可解頤奇可醒世麗
可爲詞章家之助者亦選用之

諸書記載錯出互異或兩著之或並證之或附注之若書名雖別事跡則同則舉一而棄其餘亦有云叅用某書及某書同者

書之已佚不傳散見於他書所引者仍其原目存書名也

是編以雅馴爲主凡鄙褻者庸陋者蕪雜者殺風景者皆擯不錄

節義之事不能盡錄惟義生於情以委婉行其激烈者方入此女世說之例

感幽之事多涉詭誕故搜神記酉陽雜俎夷堅志

之類所擇尤嚴稍近雅實者量摘之

事之熟者畧畧而不晦僻者詳詳而不繁辭約而該旨微而顯庶無失乎古人遺意

有一事可入幾類者入於此不復入於彼

所採閨閣詩詞必有事可錄如唐人本事詩之類則採無事者不採事可錄而詩詞不足採者錄事不錄詩詞

名人著作及婦女之文每摘句以備典故偶有二名篇或全錄之歷代史體如是

藝文卷一

東吳王初桐于陽墓述

松江王 昶述巷闕定

夫婦門一

夫婦

人皇兄弟九人別長九州離艮地精之女出爲之后

夫婦之道始此

洛書摘亡辟

遂皇氏始有夫婦之道

杜佑通典

轉軸爲夫婦夢得轉軸夫婦之事也

夢書

北齊賦民之法一夫一婦曰一牀

借山隨筆

子時面熱主夫婦和合

開元占經

俗稱夫婦之少年諧婚者曰結髮謂於髮初結起勝

冠筭之時即訂盟約也

天祿識餘

王安豐婦卿安豐安豐曰婦人卿壻禮爲不敬婦曰

憐卿愛卿是以卿卿我不卿卿誰復卿卿

莊樓記

晉人夫婦相呼爲卿王渾妻之卿卿此婦稱夫爲卿

也山濤謂其妻曰我後當爲三公但不知卿堪作夫

人否此夫稱婦爲卿也

襄陽閒評

琅嶠俗夫婦相稱以名

陳小庄外紀

以夫名妻左傳昭元年當武王邑姜方震太叔漢書

杜欽傳皇太后女弟司馬君力蘇林曰字君力爲司馬氏婦孔叢衛將軍文子之內子死復者曰臯媚女復子思問之曰此女氏之字非夫氏之名也婦人於夫氏以姓氏稱禮也

日知錄

古人有以夫名妻漢楊彪夫人袁氏荅曹公下夫人書曰彪袁氏頓首頓首

因樹屋書影

朱博夜寢早起妻罕見其面

漢書

樊英有疾妻使婢拜問英下牀荅拜陳實怪問之英曰妻者齊也供奉祭祀禮無不荅

樊英別傳

仇覽燕居必以禮自整妻子有過免冠白責妻子庭

謝覽冠乃敢入堂

後漢書

顧愷待妻有禮嘗疾篤妻出省之愷令左右扶起冠

幘加襲趣令妻還

吳書及吾師錄同

何曾閨門整肅每見妻必正衣冠白坐面南妻坐面

北上酒酬酢既畢而退一歲不過再三

晉書

薛昌緒與妻相見必先命女僕通傳往來數四然後

秉燭造室茶果而退或欲詣房幃其禮亦然

玉堂閒話

魏朗舉動有禮室家相待如賓

後漢書

常林帶經而鋤其妻餽之雖在田野相敬如賓

魏畧

龐德公躬耕田里夫妻相待如賓

襄陽耆舊傳

五代葛從簡聞許州富人有玉帶遣二卒殺而取之
卒夜入其家隱木間見其夫婦相待如賓二卒感嘆
因躍出告之使其速以帶獻

懸筭瑣探

劉元素內子朱賢而善事其夫相敬如賓

竹坡詩話

鄭氏允端字正淑姿稟秀慧尤善詩歌歸施伯仁相
敬待如賓客

肅雅集

楊虔州妻李氏有德無容楊敬待特甚

本事詩

梁鴻妻孟光爲鴻具食不敢仰視舉案齊眉

東觀漢記

沈義道學於蜀中夫婦同心出入共載

紀纂淵海

陶潛妻翟氏能安苦節與潛同志趣夫耕於前婦鋤

於後 昭明太子集

宗炳妻羅氏亦有高情與炳協趣 晉書

孫晷娶盧氏女棄華尚素與晷同志 淵鑑類函

沈逸人婦金睿貞賢而才蔬食菜羹朝夕不贍欣欣如也逸人雖隱居陋巷門外不絕貴人車馬一日有客懷百金託逸人居間睿貞從屏內竊窺之不悅逸人苦謝客退逸人入告睿貞睿貞撫掌曰是吾心也
戊辰雜抄

賈娉娉字雲華魏鵬妻也有唱隨集 凝齋筆談

龐慈縷字紉芳一字小畹工詩歸吳間瑋偕隱泉石

賦詩自娛歷有句云常同做帽凌晨起每伴敲詩午夜眠唱隨之樂可想見矣

睡香閣集

吳問璋偕龐蕙纓夫人葺藤花書屋晨夕倡和於內環碧齋小言

吳榴閣字允宜賦性幽閒能詩詞工書畫適姑表兄方雲駿彼唱此隨一時羨之

居室記

姜桐音婦祁氏名穀英賢有文章每與姜倡和或姜遠游則必以詩相問訊有靜好集

今世說

楚莊王使使黃金百斤聘北郭先生先生入謂婦曰楚欲以我爲相今日相則結駟列騎食方丈於前如

何婦曰結駟列騎所安不過容膝食方丈於前所甘不過一肉以容膝之安一肉之味而殉楚國之憂其可乎於是遂不應聘與婦去之

韓詩外傳

老萊耕蒙山之下楚王請以爲輔其妻負畚從田間來曰何車跡之衆也老萊具言之妻曰妾聞可啖以酒肉者可隨以鞭朴可餌以官祿者可繼以斧鉞妾不能爲人所制投其畚而去老萊從之

列女傳

狂接輿楚人也楚王聘之接輿笑而不應妻曰不如去之夫妻變姓名莫知所之

高士傳

楚狂妻與夫偕隱有賢名左芬著楚狂妻贊

玉臺文苑

陳仲子欲居齊其妻止之曰熱於就利者必先冷適
於附名者必先淡雞鶩之爲天下賤者恆見也威鳳
之爲天下貴者不恆見也今子無過人之才而不創
過人之事子行蹟矣遂與仲子灌園齊野

女世說

長白山陳仲子夫妻偕隱處

長白山錄

祝牧與其妻偕隱作歌云天下有道我黻子佩天下
無道我負子戴

琴清英

蘭巖有雙鶴晨必接翮夕輒偶影傳云昔有夫婦隱
此數百歲化爲此鶴

神境記

梁鴻將妻之霸陵山中耕耘織作以供衣食彈琴誦

詩以娛其志

東觀漢記

卞彬自稱卞田居婦爲傳蠶室

南齊書

承宮將妻之華陰山谷耕種

太平御覽

崔觀隱南山夫婦林泉相對以嘯咏自娛

唐書

大賢圖贊唐李渤撰夫婦偕隱者六人

國史經籍志

趙蕤夫婦俱有隱操

長短經序

楊處士朴夫婦偕隱朴詩有云隨著四婆裙子後四

婆處士配蘇嶠家有處士夫妻像野逸如生

渭南集

楊通老移居圖有細君抱兒騎牛者卽四婆也

後村集

王迪棄官與妻隱去劉純臣贈詩有藍田夫婦總登

真之句後不知所終

復齋漫錄

蔡州有文秀才夫婦同處不知其甲子者舊見之約八九十年矣容貌常似五十許人一日挈其妻潛去莫知所適

西齋話說

陶處士隱西溪夫耕婦織有木竹田桑之樂

西溪志

于本大夫婦偕隱西山下妻作詩云醉舞狂歌踏落花綠羅裙帶有丹砂往來城市買山藥那箇西山是我家

官閨詩史

許大夫婦隱於西山不欲人識改姓曰于夫婦皆解詩許詩云不是藏名混世俗賣柴沽酒貴忘言妻續

云兒家祇在西山裏除却白雲誰到門

香案牘

周逸之夫婦偕隱鈔撮戶門廣牘刊行

靜志居詩話

趙凡夫與其妻陸卿子偕隱寒山卿子工於詞章翰墨流布一時名聲藉甚以爲高人逸妻如靈真伴侶不可梯接

經義考

朱盛藻字瓊荑黃州楚宗女常作灌春逸尙序

彤管新編

番禺隱士王準結濠廬於西山之麓夫人潘氏通史

漢諸書樂貧偕隱字之曰孟齊

五色線

湖陽郭氏貞順與其夫周伯玉卜築偕隱壽一百二

十五歲

鳳閣

元微之初娶韋氏字蕙蔕繼娶裴氏字柔之二夫人俱有才思多唱和時彥以爲閨房之美

玉臺清照

郭汾陽有女曰清明君有殊色喜讀離騷古陶謝詩手自批注閨房中以小室祀舜二妃配饗以魯其伯之母黔婁之妻春秋祭之以文其高閒如此汾陽王難其配以李公于兩京賦示之清明君慨然嘆息曰可矣旣歸李卽以黃金千觔爲公子置妾數百以任恣討於是四方有奇女子以詩名顯者搜訪殆盡其中曰纖纖曰白娟曰鶯翻曰春蕙曰紅草曰暈兒曰綠絲曰碎桃皆骨柔氣清熟於古文奇字而纖纖善

箏白娟善歌春蕙善鑒古器善笙紅草善彈鳥善鼓
琴暈兒善嘯絲絲碎桃善種花花經二人手無不活
又善騎馬驚翻善丹青善舞公子樂之以酒酒必以
詩詩成諸美人起而和歌歌無雜聲清明君每候山
果新熟則遣美人捧進公子或書史有奇事可讀者
以綵線識之則遣美人捧進公子或成新篇或偶得
一二佳句不忍獨賞則遣美人捧進公子故美人人
人得親公子也而清明君當其酒半嘗乘紫帷小車
臨焉公子率纖纖以下短謳長飲彈箏鼓瑟次第上
壽酒已則各以平日所賦詩獻清明君焚香緩坐細

加品題稍不安者爲改點數字每點一字輒以一觴
罰公子曰君深於詩者也不爲美人更之乃含糊作
影子過耶是必容香火情美人皆笑曰善誠如夫人
言遂違罰數觴公子竟辭矣或言公子乃於陵陳仲
子後身清明君卽向時辟纁夫人也其後夫婦入山
修道不知所終

李公子傳

常修畧曉文墨妻關氏與修讀書習二十餘年修才
學優博名冠流輩

女世說補

王元家貧嗜風月妻黃氏亦喜親筆硯與元共持雅
操每中夜得句黃氏必先起然燭供具紙筆元甚重

之好事者畫爲圖

郡閣雅談

史炎玉好學嫻文嫁爲張祺配祺亦有才與炎玉唱

酬成集題曰和鳴

眉山志

歐陽修謂梅聖俞妻謝氏爲閨中之益友

稗史彙編

和幼文美風采夫人商亦有令儀閨門唱隨鄉黨有

金童玉女之目

靜志居詩話

屈安人韓汝慶之妻生十餘歲其父課諸兒讀經史

安人刺繡其旁竊聽背誦通曉意義及歸汝慶詩文

倡和稱雙璧焉

學稼餘譚

蔡文忠字季玉高文良繼室封一品夫人無書不讀諸

於政治文良奏疏每與商酌定藥

私繫錄

李正芳字珠隱史蕉飲之配也焚香浴硯紅燈之韻
事偏多脫珥收書畫閣之良朋獨好

林蕙堂集

高陽氏有同產而爲夫婦者相抱而死七年男女皆
活同頸二頭四足是爲蒙雙民

博物志

韓憑妻何氏美宋康王奪之妻密遺憑書曰其雨淫
淫河大水深日出當心王得其書以示左右蘇賀對
曰其雨淫淫愁且思也河大水深不得往來也日出
當心有死志也俄而憑自殺妻陰腐其衣王與之登
臺妻遂投臺左右攬之衣不中手而死遺書於帶曰

王利其生妾利其死願以屍骨賜憑合葬王怒弗聽
使里人埋之塚相望也王曰爾夫婦相愛不已若能
使冢合則吾弗阻也宿昔之間便有大梓木生於二
冢之端旬而大盈抱屈體相就根交於下枝錯於上
又有鴛鴦雌雄各一恆棲樹上晨夕不去交頸悲鳴
音聲感人宋人哀之號其木曰相思樹謂此禽卽韓
憑夫婦之魂

彤管集

海鹽陸東美妻朱氏有容止夫妻相重寸步不離時
人號爲比肩人後妻卒東美不食而死家人哀之乃
合葬未一歲冢上生梓樹二身相抱而爲一樹孫權

封其墓曰比肩墓其子宏與妻張氏亦相愛慕吳人
又呼爲小比肩

三吳記

庠鄧女先世與阿難爲夫婦甚愛敬

庠鄧女經

石尤風者傳聞爲石氏女嫁爲尤郎婦情好甚篤尤
爲商遠行妻阻之不從尤出不歸妻憶之病亡臨亡
長嘆曰吾恨不能阻其行以至於此今凡有商旅遠
行吾當作大風爲天下婦人阻之自後商旅發船值
打頭逆風則曰此石尤風也遂止不行婦人以夫姓
爲名故曰石尤遇此風者密書我爲石娘喚尤郎歸
也須放我舟行十四字投水中風卽止

江湖紀聞

張敞爲婦畫眉帝知而問之敞曰閨房之內夫婦之私更有過於此者

漢世說

裴澤妻魏氏與澤恩好甚隆不能暫相離澤每從駕其妻不宿亦至

北史

何瑀尙武帝少女豫章公主諱次男公主美容色聰敏有智與瑀情愛隆密

宋書

封夫人諱絢字景文善草隸工文章嫺黨號爲淑女歸殷秘校咸通庚子爲賊所俘賊酋覩夫人之麗將逼之夫人奮袂大罵遂遇害酋去秘校來歸侍婢迎門曰夫人逝矣秘校拊膺失聲而前枕屍於股大慟

良久揮淚於夫人面曰景文景文卽相見遂長號而絕三婢子亦相攜投井死

三水小牘

趙子昂嘗欲置妾以小詞調管夫人云我爲學士你做夫人豈不聞陶學士有桃葉桃根蘇學士有朝雲暮雲我便多娶幾箇吳姬越女無過分你年紀已過四旬只管占住玉堂春夫人荅云你儂我儂忒煞情多情多處熱似火把一塊泥捻一箇你塑一個我將咱兩個一齊打破用水調和再捻一個你再塑一個我我泥中有你你泥中有我我你生同一個衾死同一個槨子昂得詞大笑而止

本事詩

商景蘭字媚生祁彪佳之配伉儷相重未嘗有妾媵也夫人教其二子理孫班孫三女德淵德瓊德芷及子婦張德蕙朱德蓉葡萄之樹芍藥之花題詠幾遍經梅市者望若十二瑤臺焉

前志居詩話

世謂滴血驗骨惟父子祖孫爲然按郡國志孟姜適范植僅三日植赴役長城姜送寒衣至城下植已死姜尋夫骨無辨嚙指血驗得之是夫婦亦可滴血也

天香樓偶得

司馬相如將聘茂陵女爲妾文君作白頭吟云淒淒重淒淒嫁娶不須題願得同心人白頭不用離相如

感之乃不聘

樂府解題

張跋欲娶妾其妻曰子誦白頭吟妾當聽之跋慙而

止

叙小志

宜州有軍士家惟夫婦一日夫自外旋求水沐浴換
新衣坐繩牀終妻見之不哭但曰君死耶亦沐浴易
衣與夫對坐而終

培壘居雜錄

俞汝尚致仕後謂妻黃氏曰人生七十者希吾與夫
人皆過之可行矣妻應曰然則我先去先汝尙十日

卒

廣快書

尤時亨與妻耿夫人同年月日生同年月日死

述祖德詩

陳元一夫婦華髮偕老無旦夕之分攜

遂初堂文集

元微之自會稽拜尚書右丞到京未踰月出鎮武昌
裴夫人桑之難之曰歲杪到家鄉先春又赴任微之
贈詩云碧幢還照曜紅粉莫咨嗟嫁得浮雲塔相隨
卽是家桑之荅之曰侯門初擁節御苑柳絲新不是
忘殊命惟愁別近親

唐詩紀事

周渭以南漢不道脫身奔宋不暇與妻莫荃訣時荃
年少父母欲嫁之荃泣誓曰桑非久困者今飄然鴻
舉不啁分岐必能梯霄而出也遂親蠶春以給朝夕
及宋師平南漢凡二十五年復見渭

女世說

三山晉陽館陳氏七載思鄉苦切有道人剪紙爲馬
令合眼上馬祝曰汝歸毋久留須臾到家門戶如舊
妻令入浴易新衣陟曰我便去妻曰纔歸便去何不
念父母妻子乎陟便上馬而行忽身在書館中隨身
衣皆新製者道人亦不見

聞隱括異志

楊億別家十餘年鄉人傳已死其妻自河北迎喪會
億送客馬上見夫人羸瘠類其妻也睇睨不已妻亦
如之詰之則是也相持而哭

聞中野錄

晁采春日送夫之長安將行晁氏慘然動容曰天涯
俄頃得無悲乎

彤管遺編

蕭鳳質之夫游學在外屬小疾鳳質爲書寄之有云
聞不安恨東西相隔妾職有所不能盡徒涕泣懷念
而已

海鷗居日識

司馬相如初與文君還成都私貧愁懣以所著鸛鵒
裘就市賣酒與文君歡

史記

有周孿噴者貧而好道夫婦夜耕

裴啓語林

吳達夫妻居貧家徒四壁立冬無被袴晝則傭賃夜
則伐木燒塲妻無懈倦

南史

山濤未仕時妻韓氏相與共忍饑寒

六朝博議

丁時習妻危氏與夫同甘苦未嘗以貧故見色

貧士傳

申屠氏美而豔十歲能屬文慕孟光名希光年二十
父以適學官弟子董昌臨行作留別詩曰女伴門前
望風帆不可留岸鳴蕉葉雨江醉蓼花秋百歲身爲
累孤雲世共浮淚隨流水去一夜到閩州入門絕不
復吟食貧作苦宴如也

女世說

劉凝妻郭氏能安貧夫婦隱於衡山終身不返

何氏語林

舒梓溪夫婦食貧歲暮內子持筐出屋傍澗中漉蝦

子歸復持瓶向隣家借酒與先生對酌

湧幢小品

王公淵娶諸葛誕女入室言語始交王謂婦曰新婦
神色卑下殊不似公休婦曰大丈夫不能彷彿彥雲

而令婦女比蹤豪傑

世說新語

張祐苦吟妻喚不應以責祐祐曰吾方口齒生花豈惜汝輩

白氏金鎖

彭汝礪妻甯氏熙寧中復納宋養明宋氏有姿色彭委順不暇典九江病革索筆書曰宿世冤家五年夫婦從今而後不打這鼓投筆而逝

畫曼錄

丁少詹與妻有違言棄家居茶寮日買海物放生久不歸妻求徐舍人解之徐許諾見賣老婆牙者買以餉丁作詞曰茶寮山下一頭陀新來學得麼蜻蜓蟹與鳥螺知他沒幾多有一物似蜂窠姓牙名老婆

雖然無奈得他何如何放得他丁大笑而歸

廣諧史

胡長榮性好內有一侍婢其妻王驕妬手刺殺之爲此忿恨數年不相見親表爲之語曰自我不見於今三年後納妾李氏仍與王氏別宅

北史

御史大夫也先帖木兒與夫人不睦已數年矣翰林學士承旨死大夫遣司馬往唁之及歸問其所以司馬云承旨帶苦筍子十有五人皆務爭奪家財全無哀戚之情惟正室坐守靈幃哭泣不已大夫默然是夜遂與夫人同寢歡愛如初

輟耕錄

駙馬王士平與義陽公主反目蔡南史播爲樂曲號

義陽子有團雪散雲之歌

唐國史補

祖無擇晚娶徐氏有姿色議親之日徐氏必欲訾相其人而無擇貌寢恐不得當也同舍馮當世丰姿秀美乃諭媒妁俟馮經過徐居曰此祖學士也徐竊窺甚喜成婚始悟其非竟反目

高齋詩話

姜適遇婦人顏色絕代語適曰吾來爲汝家婦適云吾納室矣婦曰願爲妾御適以空屋處之逾年有道人造舍語適曰此劍仙也與夫反目易形外避其夫訪於天下今將迹至君家殺此婦并及君吾來救君耳是夜三鼓兒二劍自空飛入盤旋於適頸之前後

天將曉忽聞喝聲啓祝有人首在地道人曰可賀矣
忽俱不見婦人亦去

玉照新志

趙明誠妻李氏能文詞號易安居士明誠卒易安再
適張汝舟旣而反目有啓與蔡處厚云猥以桑榆之
晚景配茲駟狗之下才見者笑之

香齋集

榮昌公主與駙馬楊春元反目神廟甚怒陳矩奏曰
此閨壺小事不宜上動聖怒

酌中志畧

孫真人有黃昏散夫妻反目服之必和又名合歡張
叔良製以爲丸贈姜窈窕窈窕不服佩之裙裾香氣

異常

聊齋記

樂府有邯鄲才人嫁爲廝養卒婦篇考楚漢春秋趙王武臣爲燕軍所獲囚於燕獄趙有廝養卒以利害說燕燕以爲然乃歸趙王廝養卒御王以美人妻養卒以報之是其事也

擬古今

國香荆渚田氏侍兒也山谷留守荊州時所居與此女爲隣山谷偶見之以爲幽閒姝美目所未覩後其家以嫁下里貧民夫甚庸俗非其偶也山谷因賦水仙花寓意云淤泥解出白蓮藕糞壤能開黃玉花可惜國香天不管隨緣流落野人家後數年此女生二子矣會歲荒其夫鬻於田氏憔悴頓挫無復故態然

猶有餘妍

能改齊漫錄參用墨莊漫錄又見支頤集

朱淑真錢塘下里人才色清麗嫁爲市井民妻因所

偶非倫弗遂素志賦斷腸集十卷以自解

斷腸集

腸集魏恭仲輯鄭元佐加注分爲十卷刊行今失之世所傳二卷田藝衡序者繆也

怨婦不知其姓旣笄受幣於姨兄馬生父沒繼母渝

約改適母之族兄老而猥惡馬作詩貽婦婦荅之曰

金丸打折鵲禽翼利刃偏傷連理枝自古一牀無兩

好如今方信昔人詩

翰府名談

徐瑤從王建入蜀獲士人李希妻俞氏有色瑤逼之

俞氏曰吾夫常爲鄉貢進士風流儒雅人比之相如

我尙以爲非匹若健兒耳乃思辱我耶

女世說

朱靜菴以所配非偶形諸吟咏其離落見梅詩云可憐不遇知音賞零落殘香對野人

林下詩談

徐氏嫁俞氏純綉兒也合卺之夕傅姆甚之曰郎君須屬對句而就寢徐指二視屬句曰點點楊花入硯池近朱者赤近墨者黑俞縮瑟不能成句徐笑曰何不云雙雙燕子飛簾幙同聲相應同氣相求自後抱恨時形筆墨其嬾林氏詒書勸勉徐與之往復纏綿惻愴爲人所傳

宋珏黃陽二婦傳

德清蔡氏召乩仙題曰誰云富貴卽爲良想到癡肥

欲斷腸薄命紅顏今已矣泉臺應愛讀書香後寫茗
溪十景塘明霞題好事者尋至某處果有石碑題才
女明霞之墓蓋明季某太守之女死葬於此詳味其
詩必所配非偶抱恨而終者也

述異記

鄧氏女嫁鄧氏夫不類女鬱鬱不自得發爲詩詞語
多淒怨居二年竟以怨死有句云啼鳥落花春已暮
孤燈殘雨夜偏長

彤管新編

周綺生爲松陵一元氏者負之而趨綺生敝衣毀容
重自摧廢晨夕炷香佛前祈死時作小詞寓意一元
氏以五七言回環讀之迄不能句綺生乃開顏一笑

也無何悵鬱而死嘗有句云侍兒不解春愁報道杏
花零落知者咸傷之

靜志居詩話

顏芳在之妹宛在適吳興貴公子蠢愚忿忌每出則
鍵宛在於深閨庭涼月皓徑暖花芳不許一至吟玩
宛在以君中人呼之結褵而後竟不聊生憔悴經年
遂至奄逝

婦人集

昧娘姓易氏居松陵之舜水鎮美姿容善書畫吟咏
父母愛之明甲申歲去入松陵昧從父母走僻巷中
舜水廬室悉爲灰燼亂定父歸葺故廬昧從女奴曰
問香往依其姑於午溪姑字倩娘夫死無子甚愛昧

娘視若子也有潘生者與倩相悅問香稍知之以告
暎暎嘿不應倩之家有一園名隔夢景頗幽勝倩邀
暎往遊挈暎至薔薇架下瞥然一聲片花亂落有細
彩流蘇貫相思子綴以同心鳳凰結雜花而墜中暎
之右肩暎驚愕隔花望見潘生凝睇於暎暎顏不
懌一日暎娘疊紅箋作細字集唐句成一絕云蚤是
傷春夢雨天鶯啼燕語報新年東風不道珠簾隔引
出幽香落外邊葢隱刺倩事書畢倩娘至暎急取置
鏡臺鎖櫥內而尾紙半露倩出讀之納於衫袖而出
適遇生於梧桐軒下倩出箋授生生展視乃絕句後

有畫奴戲草四楷書倩曰畫奴是昧娘小字紅箋是
潘郎良媒也後累日問香攜班竹鎖絲籃置畫金
小方奩進曰倩娘以爲昧午茶開奩視之乃石榴子
二盒金柑四蒂果盡文錦尺幅密絨重重發絨而觀
則潘生詩也昧起立碎紙擲地遂往見倩曰姪以穉
年托命於姑姑不訓之以德而假道於不令之生傳
以褻詞實敗令名請從此辭時舜水已成小築昧之
父母迎昧歸閨歲餘倩至昧父母家爲昧議姻極口
潘生之才而諱其貧昧父母擇吉資生於家乃隔夢
園所見人也昧大號慟絕而後寤惟曰倩娘誤我父

母再四排解然伉儷之際非其本情眉嫵間鎖愁駐
恨如不勝致居二年生孝暎以歸生之父母窮悍極
虐素知暎之不禮生爲盛怒以待暎暎拜方畢含啼
入室竟不聊生生以不給家食爲硯耕之謀復隙窺
館之隣女兒黜其主暎愈不禮生生大慍暎叱詈之
聲達於庭戶暎支頤語生曰薄命之薄銜冤可知狂
童之狂負心若此何贅何肩無恥無禮我死爲鬼爾
生尙能爲人乎語未竟輒楚亂下散髮蒙面流血被
肩暎曰命盡此矣夜令舂於故篋中取愁鹽一卷
詩詞若干首及綠牋小寫百葉皆幼時所畫花鳥粉

本悉焚之火乃裂帛和淚爲書授問香曰遲明汝爲
吾送易氏爹娘及晨昧父母得書憤駭長慟而至則
昧已縊於前軒矣年纔二十四歲

鳳麟

漢末廬江小吏焦仲卿妻劉氏爲仲卿母所遣自誓
不嫁其家逼之乃投水而死仲卿聞之亦自縊於庭
樹時人傷之爲賦仲卿妻詩以敘其事

詩紀

商陵牧子娶妻五年無子父母欲其改娶其妻聞之
中夜悲嘯牧子感之而作別鶴操

崔豹古今注

王獻之娶郗曇女名道茂後離婚

王氏家譜

崔莊妻雍氏乃雍祕校之女夫頗相歡而涯不禮其

妻父妻父不平之奪其女爲尼涯不得已爲詩留別
云隴上泉流隴下分斷腸嗚咽不堪聞嫦娥一入月
中去巫峽千秋空白雲

唐詩紀事

王彥齡妻舒氏工篇翰彥齡失禮於婦翁翁怒邀其
女歸竟至離絕女在父家偶獨行池上懷其夫作點
絳唇詞云獨自臨池悶來強把闌干凭舊愁新恨耗
却年時興鷺散魚潛煙斂風初定波心靜照人如鏡
少箇年時影

已堅支志

陸務觀初娶唐氏於其母夫人爲姑姪伉儷相得而
弗獲於姑遂出之唐氏後改適趙士程嘗以春日出

游相遇於禹蹟寺南之沈氏園唐以語趙遣致酒餽
翁悵然久之爲賦釵頭鳳一詞題園壁間云紅酥手
黃藤酒滿城春色宮牆柳東風惡歡情薄一懷愁緒
幾年離索錯錯錯春如舊人空瘦淚痕紅浥鮫綃透
桃花落閒池閣山盟雖在錦書難托莫莫莫實紹興
乙亥歲也翁居鑑湖之三山晚歲每入城必登寺眺
望不能勝情嘗賦二絕句云夢斷香銷四十年沈園
花老不飛綿此身行作稽山土猶弔遺蹤一惘然又
云城上斜陽盡角哀沈園無復舊池臺傷心橋下春
波綠曾是鶯鶯照影來

齊東野語

蘇州某官娶一婦始以金星貯之旣而離異松陵吳
慎思爲賦鳳求凰變四絕

中興紀聞

曹侍郎詠妻厲碩人始嫁曹秀才與夫離異更適詠
詠以秦檜嫵黨驟擢顯官元父張燈曹秀才攜母來
觀見厲服用精麗供侍尊嚴嘆謂其母曰渠合此中
居享吾家豈能留後檜殂詠貶新州而亡二子蕩產
至不給朝脯僦居親舊厲過故夫曹秀才家門庭整
潔顧老婢曰吾當時能安此豈有今日因泣數行下
二十年間夫妻更相悔羨

延休堂漫錄

黃昌妻遇賊被掠轉入蜀爲人妻後昌爲蜀郡守其

妻因治事至於府中昌以不類蜀人問其由妻曰妾本會稽黃昌妻遭亂入蜀昌左足下有黑子昌出足示之相持悲泣乃還爲夫妻

後漢書

龐林娶習顯妹魏武破荊州習氏與林分隔守養弱女十有餘年後林隨黃權降魏始復集聚文帝賢之賜牀帳衣服顯其節義

女世說

李繁姊先適陳詵生四子遭亂賊掠去詵更娶嚴生子暉繁後得姊歸詵詵藉注二妻

晉書

張譙妻皇甫氏被掠賜中官爲婢皇甫遂詐癡不能梳沐後譙爲宋長史因貨絹千餘疋購求皇甫文成

怪其納財之多引見之時皇甫年已六十矣皇甫歸

讜令諸妾境上奉迎

北史

侯景寇亂徐孝克養母餽粥不給妻臧氏有色孝克欲令改適以濟母乏臧氏弗許時景將孔景行多予孝克穀帛逼迎之臧氏涕泣去然猶深念舊恩數私餉孝克母後景行戰死臧氏伺孝克途中累日乃見謂曰往日之事非爲相負今既得脫當歸供養遂更爲夫婦

百泉子緒論

李德武妻裴氏以孝聞鄉黨德武坐事徙嶺南時嫁方踰歲父矩表離婚德武謂裴曰我方貶無還理君

必儼他族於此長決矣荅曰夫天也可背乎願死無
他後十年德武未還矩決欲嫁之裴斷髮不食矩知
不能奪聽之德武娶爾朱氏赦還聞裴全節乃遣後
妻與裴爲夫婦如初 六帖

陳太子舍人徐德言尙樂昌公主陳政衰德言謂主
曰以君之才容國亡必入豪家倘情緣未斷猶期再
見乃破一鏡人執其半約他日以正月望日賣於都
市及陳亡主果歸楊素德言訪於都市有蒼頭賣半
鏡者大高其價德言引至旅邸言其故出半鏡以合
之仍題詩曰鏡與人俱去鏡歸人未歸無復姮娥影

空留明月輝主得詩悲泣不食素知之召德言至還

其妻

古今詩話

元和中某糾被剽止逆旅時裴晉公微服出遊偶至店詰之告以故且言某將娶適郡牧強以致之獻於上相裴公矣裴曰子室何姓氏荅曰姓某字黃娥裴曰某卽晉公親校也試爲子偵至晚忽有赭衣吏詣店稱令公召糾倉卒與吏俱往延入小廳拜伏流汗中令曰昨見所話誠心惻然今聊以慰其憔悴卽命箱中官誥授之已再除湖糾矣曰黃娥可于飛之任也特令送就其逆旅行裝千貫

韞園窩雜著

京兆韋氏名家女也適武昌孟氏大歷末孟與妻弟
韋生同選韋生授揚子縣尉孟授閬州錄事參軍分
路之官韋氏從夫入蜀路不通車乘馬行馬驚墜谷
中孟生慟哭設祭服喪捨去韋氏下墜枯葉之上體
無所損餓則食木葉忽見巖穴中有光如燈漸近乃
是龍目龍長五六丈從穴出韋氏自度必死遂抱龍
跨之龍直躍穴外遂騰於空韋氏任龍所之如半日
許此龍漸低遂放身自墜落於深草之上遇一漁翁
問此何所漁翁曰揚子縣韋氏私喜曰韋少府到任
未我卽其姊也漁翁與載至縣門韋氏遣報孟家十

三姊欲入韋生曰十三姊隨孟郎入蜀那忽來此韋氏具說此由韋生驚見之後數日蜀中凶問至韋生乃遣人送姊入蜀

原化記

安南萬春妃性情清淑先許適文士蕭雅王聞其美納官中踰十載猶念雅不置一日臥疾王問之泣對曰妾旦晚塵土矣然所不忘者君憐與親愛俱深耳今舉目見王不見父母生有十年之闊死無數日之親奈何王愍惻許出宮療之會雅所娶妻適殯而王亦嗣薨遂復爲夫婦

鬱岡齋筆塵

陳公緒倡義歸宋挈其子庚與俱妻劉氏留金國二

十五年誓不嫁常緯蕭自給及庚漸長涕泣思母傾
貨迎歸時公緒亦誓不娶復爲夫婦 女世說補

京師孝感坊有邢知縣單推官並門居邢之妻卽單
之姊也單有子名符郎邢有女名春娘年齒相上下
在襁褓中已議婚宣和丙午邢挈家赴鄧州單亦舉
家往揚州是冬寇擾邢夫妻遇害春娘爲賊所擄轉
賣全州娼家名楊玉春娘十歲時已能讀語孟詩書
作小詞至是娼嫗教之樂色事藝無不精絕紹興初
符郎受父蔭爲全州司戶甚慕楊玉遂謀一會司戶
見玉似箇名家苗裔因推究之玉曰妾本官族姓邢

幼年與舅單推官之于符郎結婚後父母遭寇殞命
妾被人掠賣至此司戶心知其爲春娘也因好言正
問曰汝肯嫁我乎玉曰妾所願也司戶乃發書告其
父父致書與全州太守太守曰此美事也召玉與司
戶成婚任將滿春娘謂司戶曰妾失身風塵亦荷翁
嫗愛育亦有義姨妹情分相厚者今將遠去欲與話
別何如司戶許諾春娘遂就會勝寺請翁嫗及同列
者會飲有李英者本與春娘連居情極相得酒酣忽
起持春娘手曰姨今超出青雲之上我沉淪糞土之
中無有出期遂失聲慟哭春娘亦哭李英鍼線妙絕

春娘曰我司戶正少一鍼線人妹肯爲我下乎英曰
望姨爲我方便脫此門路春娘歸以語司戶司戶不
許既而屢請司戶不得已言於太守太守曰君欲一
箭射雙鵬耶敬奉命司戶遂挈以俱歸歸一年李氏
生男邢氏養爲己子

世青雜記

劉文龍夢銅鏡破而復圓及歸里妻果被富人謀娶
其妻貞烈不從文龍更繼團圓

夢書大全

元至正初崔英投永嘉尉攜妻黃氏赴任舟人殺僕
沉英水中席捲所有黃氏乘夜登岸投尼姑院落髮
立名惠圓每拜觀音密訴心曲忽一人到院說陳舟

者拾畫芙蓉一幅尼張屏上黃認之乃題臨江仙一
詞時退居御史高公愛畫郭慶春求屏獻之忽一人
賣草書問姓名對曰崔英赴官永嘉舟人沉英妻僕
不顧幸得登岸公曰且留吾家見畫芙蓉因垂淚公
怪問英曰此舟中失物詞乃妻黃氏作也公遂問慶
春荅曰買自尼院稱尼姑惠圓題公卽令人謂尼曰
夫人喜誦經請惠圓作伴惠圓至與夫人同寢處勸
之養髮但不與英言公告御史捕之卽以賊給還英
辭赴任公曰待作媒英曰糟糠之妻存亡未卜別娶
非願公曰足下高誼如此但容奉餞及開宴公呼惠

圖出則英妻也夫婦相抱而哭

芙蓉屏記

洪武初吳人姜子奇娶婦三載值亂子奇挾妻出避倉皇間因失其妻乃爲兵官攜歸京邸子奇流落四方者累年後至京行乞有高門一婦人見之而泣貽以酒饌又以布囊裹熟米一斗與之子奇不敢仰視而去翼日此婦在門又見子奇行乞適主人不在呼與相見共語爲主母所偵卽令人追之檢其乞囊中有金釵一雙書一封候其夫還以告兵官啓封視之乃題詩一律云夫留吳越妾江東三載恩情一旦空葵藿有心終向日楊花無力暫隨風雨行珠淚孤燈

下千里家山一夢中每恨當年罹此難相逢難把姓名通兵官見詩大悼卽時遣還仍賜錢米以給其歸子奇夫婦復合

西樵野記

揚州盧翰妻李氏名妙惠有貞操宏治初盧會試不第留京講學有同姓名者死訛傳至家父母憐其寡強以聘江西謝能之子啓李自經者再不得死迫歸謝謝繼母亦揚州人李懇乞爲婢以全節操啓不得奪母與李歸江西舟過金山李題詩於壁署其後曰揚州盧翰妻李氏題旣而盧舉進士差往江西過揚州知妻已嫁登金山寺見所題詩而泣及至江西訪

而得之爲夫婦如初

堯山堂外記

聶翁山西人歸虞氏生一子翁又商於川主李氏氏之婦新寡翁卽贅於其家俗謂之坐門招夫承其香火改姓李亦生一子因張獻忠入川李氏子母散失翁流入滇黔被官兵俘獲刺史聶熊臣鞠之詢及里居姓名刺史異之退問母母令復訊而已聽於後不數語呼其子曰真而父也遂拜哭大慟屬員咸賀客問翁何由入滇黔翁言從川入滇始末又與李吏曰母子里居姓名合李職其歸述於母母命設醴邀翁翁至母覓見出口尚識妾否爲吏曰者君之子也刺

史聞之與吏目序兄弟焉

見聞錄